

15 APR 1996

PERUTUSAN AGONG BAGI HARI JADI RATU DENMARK

KUALA LUMPUR, 15 April (Bernama) -- Yang di-Pertuan Agong Tuanku Jaa'far mengutuskan ucapan tahniah kepada Ratu Margrethe II Denmark sempena hari keputeraannya esok.

Dalam kenyataan yang dikeluarkan oleh Kementerian Luar hari ini Seri Paduka juga berharap Ratu Margrethe serta rakyat Denmark sentiasa berada dalam keamanan dan kemakmuran.

Sementara itu Perdana Menteri Datuk Seri Dr Mahathir juga menghantarkan perutusan yang serupa kepada rakan sejawatannya Paul Nyrup Rasmussen.

Dr Mahathir berkata Malaysia menyanjungi hubungan dengan Denmark dan berharap kerjasama baik dalam bidang perdagangan dan ekonomi antara kedua-dua negara akan berterusan pada masa akan datang.

Beliau yakin hubungan itu akan memberi manfaat bersama kepada rakyat kedua-dua negara serta mempereratkan hubungan persahabatan yang sedia terjalin.

Menteri Luar Datuk Abdullah Ahmad Badawi juga mengutuskan ucapan yang serupa kepada rakan sejawatannya Encik Niels Halveg Petersen. -- BERNAMA

HT NMO